

p.2 line -7【體量量性，無邊邊體】《傳通記》：體量者，隨緣真如。言量性者，不變真如。無邊邊體，如次亦爾。所以知者。體謂理體。量謂事相。體家之量則隨緣真如。量謂事相。性謂理性。量家之性則不變真如。無謂性空。邊謂事法。無家之邊則隨緣法性。邊謂事法。體謂理體。邊家之體則不變法性。今此二如二性，諸佛二智所照境界，真俗二諦法門；所謂隨緣俗諦，後得智境；不變真諦，正體智境。此之二如、二性本在眾生妄心，真妄交徹，故云『不出』。妄心無體，即是真心，故云『不動』。此乃迷性是不變，迷用是隨緣；覺體是不變，淨用是隨緣。故起信論云：如大海水，因風波動，水相、風相不相捨離；而水非動性，若風止滅，動相則滅，濕性不壞故。如是眾生自性清淨心，因無明風動，心與無明俱無形相，不相捨離；而心非動性，若無明滅，相續則滅，智性不壞故。……緣起萬法雖各各異，一一之法不出心性。心法無礙，全遍萬法。若就分別妄心所執，即一向不融；若據心性緣起之用，相鎔無礙也。～本會版 p. 95

p.2 line -7【無塵法界…寂用湛然】《傳通記》：「此明凡聖所具真理平等無差。本來具足寂照體用。無所缺失。無塵法界者。一理異名。」～本會版 p. 96
《起信論》卷1云：「三界虛偽，唯心所作，離心則無六塵境界。此義云何？以一切法皆從心起，妄念而生，…當知世間一切境界，皆依眾生無明妄心而得住持，是故一切法，如鏡中像，無體可得，唯心虛妄。」(T32, p. 577, b16-22)【兩垢如如】有垢真如與無垢真如。(一)真如之體，雖覆於煩惱，然其本來清淨，如泥中之蓮，不染於污，此為有垢真如，又稱自性真如，亦即在纏真如。(二)佛果所顯之理體，清淨而不覆於惑，如望月之清淨圓滿，此為無垢真如，又稱清淨真如，亦即出纏真如。〔攝大乘論卷五(真諦)〕～《佛光大辭典》【寂用湛然】《傳通記》：寂是自性妙體。用則理內照用。斯乃理性寂照二德。湛然者。此明凡聖所具寂照。本有常住。一體不二。然此眾生所具寂照。從無始來正施淨用。利益眾生。眾生迷故不知自德。此乃理體一味平等不二故也。～本會版 p. 98

p.2 line -6【淨體無由顯照】《大乘起信論》卷1：「真如本一，而有無量無邊無明，從本已來自性差別厚薄不同故。過恒沙等上煩惱依無明起差別，我見愛染煩惱依無明起差別。如是一切煩惱，依於無明所起，前後無量差別，唯

如來能知故。…眾生亦爾，雖有正因熏習之力，若不值遇諸佛菩薩善知識等以之為緣，能自斷煩惱入涅槃者，則無是處。若雖有外緣之力，而內淨法未有熏習力者，亦不能究竟厭生死苦、樂求涅槃。若因緣具足者，所謂自有熏習之力，又為諸佛菩薩等慈悲願護故，能起厭苦之心，信有涅槃，修習善根。以修善根成熟故，則值諸佛菩薩示教利喜，乃能進趣，向涅槃道。」(T32, p. 578, b28-c14)

p.2 line -6【大悲隱於西化。驚入火宅之門】《傳通記》：「上句取涅槃意。下句取法華意。斯乃探二經意。釋佛出世利生相也。」～本會版 p. 99 《大般涅槃經》卷 24〈10 光明遍照高貴德王菩薩品〉：「西方去此娑婆世界度三十二恒河沙等諸佛國土。彼有世界名曰無勝。彼土何故名曰無勝？其土所有嚴麗之事。皆悉平等無有差別。猶如西方安樂世界。亦如東方滿月世界。我於彼土出現於世。為化眾生故。於此界閻浮提中現轉法輪。非但我身獨於此中現轉法輪。一切諸佛亦於此中而轉法輪。」(T12, p. 508, 25-p. 509, a3) 《妙法蓮華經》卷 2〈3 譬喻品〉：「是時宅主，在門外立，聞有人言：『汝諸子等，先因遊戲，來入此宅，稚小無知，歡娛樂著。』長者聞已，驚入火宅，方宜救濟，令無燒害。」(T09, p. 14, b5-9)

p.2 line -5【甘露智炬、重昏永夜】《傳通記》：此明說法相。法華云：澍甘露法雨，滅除煩惱焰。大經云：慧日照世間，消除生死雲。無明煩惱，譬以重昏。無始生死，喻以永夜。～本會版 p. 100-101

p.2 line -5【三檀】《傳通記》：無著、天親所造《金剛般若論》，立三檀攝六度。一資生施：檀那波羅蜜。二無畏施：尸羅波羅蜜、羼提波羅蜜。三法施：毗梨耶波羅蜜、禪那波羅蜜、般若波羅蜜等。若無精進，於受法人所為說法時，疲倦故不能說法。若無禪定，則貪於信敬供養，及不能忍寒熱逼惱，故染心說法。若無智慧，便顛倒說法，多有過故。不離此三得成法施。～本會版 p. 102

p.2 line -5【四攝】布施、愛語、利行、同事。菩薩以此四事攝化眾生，因此而生親近心而受道，故名四攝。～《佛學大辭典》

p.2 line -4【開示苦因。悟入樂果】《傳通記》：此述如來設化元意，為令眾生離一切苦，得究竟樂故。～本會版 p. 42

p.2 line -4【無一實之機。等有五乘之用】《傳通記》：用者機用。機有受教之用。謂雖無純一實機。廣有五乘之機也。～本會版 p. 105【一實】又作一實真如、一實諦。指：(1)絕對、真實。即真如實相之理體。實者，無顛倒，無虛妄，平等不二之實相、勝義諦。(2)教化眾生成佛，以一實為理體之教法；以其運載眾生於一乘，故特稱「一乘教法」。(3)在淨土宗，一實係指阿彌陀佛之本願。～《佛光大辭典》

p.2 line -3【普沾未聞之益】《傳通記》：總指諸經得益。曠劫希聞。今始說之。故云未聞之益。～本會版 p. 107

p.3 line 2【要門】《傳通記》：「謂定散行為內因。佛本願力以為外緣。因緣和合皆得往生。此乃行者造往生因。佛願與力接引故也。若依五戒十善等因。感人天果。局因果故。不別待於他力勝緣。若今凡夫生報土時。願力不加不可生故。別以佛願為增上緣。令凡夫行成報土因。」～本會版 p. 115

p.3 line 2【顯彰別意之弘願】《傳通記》：對總四弘，故云別意。一部經文皆彰弘願。所謂凡夫往生淨土，皆乘彌陀佛願力故。弘願總通四十八願。～本會版 p. 115

p.3 line 3【息慮以凝心】《傳通記》：今十三定善，應是未至、中間、四根本定。無色定者，不觀色相。二無心定，無心心所，故不應觀極樂依正。無漏定，非凡夫定，故非今分。息慮凝心，唯局定善；廢惡修善，可通定散。定善廢惡，則是加行及定共戒。一往大分，廢惡修善且約散善。～本會版 p. 120-21

p.3 line 4【善惡凡夫】《傳通記》：本願文中唯除逆、謗，故知應攝十惡罪人，是故願文有攝善惡凡夫意也。【大願業力】四十八願名為大願。兆載永劫，六度萬行名為大業。正覺利益眾生名為大力。【增上緣】起法勝用，故曰增上。以此增上為法緣故，名增上緣。凡夫往生淨土，加佛願力，名增上緣。是強中強，故今家云，正由托佛願以作強緣，致使五乘齊入。～本會版 p. 122-24

p.3 line 5【信外輕毛】《傳通記》：恐指十信以外凡夫，但是今家自謙之言。仁王經說十信位云：譬如輕毛，隨風東西。法華疏云：六心已前，輕毛菩薩。信根未立，其位猶退。此等諸文，謂十信(外凡)名為輕毛，故知應言十信外凡。

p.3 line 5+6【仰惟、唯可】《傳通記》：釋迦發遣，彌陀招喚，其文分明，唯作仰信，定得往生。此仰信發遣來迎之人，必具三心、五念、四修。所謂勤心，即是安心。奉法，即是起行。畢命為期，即是作業。～本會版 p. 128

p.3 line -3【出過三位】超過凡夫、二乘、菩薩。

p.3 line -1【南無】巴利語 namo。又作南牟、那謨、南謨、那摩、曩莫、納莫等。意譯作敬禮、歸敬、歸依、歸命、信從。原為「禮拜」之意，但多使用於禮敬之對象，表歸依信順，含救我、度我、屈膝之意。～《佛光大辭典》「南無」一詞係自梵、巴語譯出，因此其中之「無」字，應依古音讀為「ㄇㄨˇ」，始符「mo」之讀音。不可讀為北京音之「ㄨ」。

p.4 line 2【人法並彰】《傳通記》：「無量壽者雖是佛號，而召顯佛所具功德，故配屬法。覺者知者，是能覺了，故屬人也。」～本會版 p. 144

p.4 line 2【人法是所觀之境】《傳通記》：佛自唱題云。此經名觀極樂國土無量壽佛觀世音菩薩大勢至菩薩(p. 130)。今就此題廣釋依正通別相也。但譯者略云。無量壽觀經。又上人法雖是正報。而所觀境通依正故。《觀無量壽佛經疏》卷1：「所言佛說觀無量壽佛者。佛是所觀勝境。舉正報以收依果。述化主以包徒眾。觀雖十六。言佛便周。故云佛說觀無量壽佛。」(T37, p. 186, c13-16)

p.4 line 6&-5【真實無漏】《金剛仙論》卷4：「言淨土者。正是諸佛依報真實智慧第一義土。此土以真如法性為體。…此土如來從發心以來。所修萬行功德智慧二種莊嚴。出世無漏勝因所剋故。」(T25, p. 827, b4-8)《大乘理趣六波羅蜜多經》卷1〈1 歸依三寶品〉：「佛報身者，謂諸如來三無數劫，修集無量福慧資糧，所起無邊真實功德，常住不變，諸根相好，智慧光明周遍法界，皆從出世無漏善根之所生故，不可思議超過世智，純熟有情，為現茲相，演無盡法，廣利無邊。」(T08, p. 866, c23-28)

p.4～p.5【真假通別】「別」：別屬彌陀佛。「通」：二大士及往生聖眾。「假」：此界中相似可見境相、假立真像。依報一別：7 華座觀。通：前 6 觀。正報一別：8、9 兩觀。通：10-13 觀（或非是指經文，而是泛指觀音等聖眾，因普、

雜二觀並有通別故。)

p.4 line -1【以住心想，同彼佛以證境】《傳通記》：以住心想者，正明像觀觀想，謂以小佛為所觀境令住心想。次觀成。同者全同。謂觀想位觀小佛故。至觀成位全同彼觀想小佛。證此小境也。或同是似同。謂令似同彼真身佛。以證當觀佛像境也。～本會版 p. 155

p.5 line 4【淨信心手】《大智度論》卷 1〈1 序品〉：「經中說：「信如手，如人有手，入寶山中，自在取寶；有信亦如是，入佛法無漏根、力、覺、道、禪定寶山中，自在所取。無信如無手，無手人入寶山中，則不能有所取。無信亦如是，入佛法寶山，都無所得。」」(T25, p. 63, a7-12)

p.5 line 4【智慧照彼】《傳通記》：智慧之輝，正明「觀體」。照彌陀正依，明「觀用」。對此所觀而明觀智，知是定觀。是故今家消釋觀字，皆屬定觀。～本會版 p. 157-58《六祖壇經》卷 1：「用自真如性，以智慧觀照於一切法，不取不捨，即是見性成佛道。」(T48, p. 350, c7-9)智者《觀經疏》：以次第三觀、一心三觀，觀佛三身。

p.5 line 4【疋】音ㄉㄧˋ。量詞，用於紡織品。《前漢·食貨志》布帛廣二尺二寸為幅，長四丈為匹。《廣韻》：俗作『疋』。～《康熙字典》

p.5 line 6【無所畏】生彼土已，更無惡道生死怖畏，亦無修行退轉怖畏。

p.5 line -6【以不思議解脫為宗】慧遠《維摩義記》卷 1：今言維摩詰所說經。一名不可思議解脫者。蓋乃樹經部別名也。…此經以不思議解脫為宗。(T38, p. 421, b29-c3)非下位菩薩、二乘、凡夫所能測量，名不思議。智顗《維摩經玄疏》卷 5：若斷煩惱得解脫，即是思議之解脫。若不斷煩惱而得解脫，即是不思議解脫。問曰：若不斷煩惱結業云何而得解脫？答曰：譬如未得神通之人，若在牢獄，必須穿牆破壁方得走脫。若是得神通之人，處在牢獄，雖不穿牆破壁，而出入無礙也。(T38, p. 550, c25-28)《維摩經玄疏》卷 5：思議解脫。滅色取空。約無色無心以明解脫故。若是不思議解脫。觀色心即是法性之色心。本無因生。故非果滅。見色心不生不滅而得解脫。故有真善妙色、妙心之體也。故涅槃經云：妙色湛然常安住。不為生老病死之所遷。仁王經。明法性色受想行

識解脫。(T38, p. 551, a19-b1)

p.5 line -5【一經兩宗】《傳通記》：「今經初十三觀是答請說，後三輩是佛自說；故答請文中立觀佛宗，自說文中立念佛宗。」「言觀佛者，攝心而觀佛身色相。言念佛者，出聲而稱彼佛名。故觀念門分為二行。」「凡諸經論中念佛者皆通觀稱，智度論等，其義炳然。然今家別立兩三昧名者，為令差別助正二業。限口稱號念佛三昧，限相好觀名為觀佛。此乃念佛三昧正業，觀佛三昧助業故也。」「問：兩三昧行。為是始終俱差別否？答：始別終同。言始別者，口稱觀念，行相異故。言終同者，行成之時，心眼即開，同見佛故。」～本會版 p. 173-75

p.5 line -5【往生淨土為體】《傳通記》：「一心迴願往生淨土為體者，一心是安心，迴願是第八門；對上兩宗，以往生為體。兩宗是因，體即是果，果即是趣。」～本會版 p. 178【第八門】參考本書 p.100：3。

p.5 line -3【菩薩藏收、頓教攝】《傳通記》：「小乘經中不明淨土。今經專說一切凡夫往生淨土。生已不退。必至菩提。故知今經即是大乘菩薩藏也。故靈芝云。準知一代彌陀教觀。皆是圓頓一佛乘法。更無餘途。…凡聖道門有大小乘。淨土唯大。聖道門有頓漸二教。淨土唯頓。聖道門有三乘一乘。淨土唯一乘。」～本會版 p. 179《阿彌陀經疏鈔》卷 1：「正屬頓義者。以博地凡夫。欲登聖地。其事甚難。其道甚遠。今但持名。即得往生。既往生已。即得不退。可謂彈指圓成。一生取辦。如將寶位。直授凡庸。不歷階級。非漸教迂迴屈曲之比。故屬頓義。」(X22, p. 613, c4-7)《阿彌陀經疏鈔演義》卷 1：「其事甚難者。難行能行。難忍能忍。斷難斷之惑。證難證之真。其道甚遠者。從初發心直至成佛。經五十五位真菩提路。如楞嚴中說。又起信云。經一萬劫成就信心。經一僧祇滿足十向。乃至三僧祇滿方得成佛。」(X22, p. 724, a10-14)本會版 p. 106【菩薩藏】詮釋大乘菩薩修因證果等之大乘經典。～《佛光大辭典》

p.5 line -2【諸經起說五種】【五人說經】《大智度論》：1、佛說，自金口所宣。2、弟子說，即聲聞、緣覺、菩薩等，佛在世時，承佛加被，隨機演教。3、仙說，謂其從佛入道之大仙，誓弘佛化。4、諸天說，即梵、釋等諸天，常為諸天演說般若大經等。5、化人說，三乘聖人，隨機現化者。～《三藏法數》